

欽定戶部漕運全書

欽定戶部漕運全書卷四十四目錄

漕運河道

挑濬事例

挑濬事例

一河漕總督專管運糧督率各官挑淺疏通糧艘如不預行挑淺疏通以致遲悞者交部議處

議單
舊本

一漕白糧船抵津督率沿河文武官弁往來催僨并查驗北河淺阻令坐糧廳督夫挑挖深通

毋致糧艘阻滯

議單
舊本

一蘇州閘門渡僧橋楓橋一帶河流淺滯常州府屬地方河水淺涸江陰宜興二邑運道淺阻

京口迤南更爲淺涸上江宣城兌運溪河斷流
竟成陸地幫船起掇阻壓難行康熙六年部議
令河道總督并該撫嚴飭經管河道等官竭力
疏通毋悞漕運仍將不先挑濬各官職名查叅
一江西省自省起至清溪止河水淺涸康熙六
年部議令河道總督并該督撫嚴飭沿河經管
水利等官竭力設法挑濬遲者查叅

一江南運漕御史遇挑濬河道之年協同總河
一體查勘督辦

一漕運河道該管官員不行挑濬或稱非係本
汛推卸者降一級調用不行專催上司罰俸一

年

康熙十
六年

一南運河向有額設堰壩淺夫等項錢糧以備
雇夫挑濬之用康熙十六年題准沿河按里設
兵看守各給汛船令其往來上下溯流刷沙卽
以原設淺夫等銀裁充兵餉不敷者於河庫銀
糧內通融撥給

一山東臨清武城等處河道淺阻總河責令該

管官挑濬如違悞漕船該督指名題參

康熙二十二年

一鎮江府及揚州府儀徵運河口一帶地方水

淺係民夫挑濬之所應知府等官經理如違悞

漕船該督指名題參

康熙二十二年

一康熙二十八年蘇常鎮運河淺阻河道總督

以

勅書內未開有常鎮等河字樣部議漕運議單內開河

道總督凡關河道事務皆其專責一應河官咸

歸管轄沿河文武各官催儆不力悉聽叅究應

仍令總漕查明題奏

一蘇常鎮等府運河乃江浙糧船必由之地地方官不預行挑濬疏通以致悞漕者將河漕總督一併議處

康熙二十八年

一康熙二十八年入秋雨少河身淺涸自鎮江至無錫三百餘里題請築壩興挑自十月二十五日起江浙回空零星船隻令暫泊京口仍勒限十一月終完工開壩催趕回次受兌

一漕運河道偶有淺阻例應設法疏通康熙二

十九年奉

旨漕運關係重大河水淺阻處所地方各官隨時挑濬
下埽束水以濟漕運欽此

一運河決口不卽堵塞以致羈阻漕船者在工

各官俱題參嚴加議處

康熙二十九年

一南旺臨清河道舊例每年一小挑間年一大

挑於十二月築壩正月動工二月十五日開壩

放水行舟康熙二十九年題准挑河築壩之期

以十一月十五日爲率開壩之期以正月二十

六口爲率

一康熙五十七年總河趙世顯等遵

旨將沛縣地方積水設法疏消勘明沛縣地處低窪山
東金鄉魚臺之水由沛縣昭陽湖入微山湖從
荆山口出猶兒窩入運應將茶城一字河一帶
沙淤之處酌濬疏通仍於十字河之上建築草
壩一座運河水小則堵壩俾水歸微山湖出湖
口開濬運

一山東河道淤阻舊例派撥民夫挑濬濬運在

正元年欽奉

諭旨東省連年歉收百姓困苦動支正項錢糧雇募民夫給以工食令其挑濬運河欽此

一濟寧一帶河道全藉泉湖汶泗諸水雍正元年以泉源淤塞汶泗二河僅存一線細流而八閘以至大王廟等處運河底水原微又無上源諸水會歸糧艘輓運維艱必浚泉匯湖導引入河方克濟運題明飭令各泉源所屬州縣挑浚疏通務使暢流入運

雍正元年

一雍正元年重運漕船至六月尙有二千七百餘隻未經題報過淮經戶部奏請派部院堂官一員馳驛前往會同該督撫封閉蓄水率領沿河鎮道各官竭力挑濬速行催償

一津北至通一帶河路向係坐糧廳管理修濬每多淤淺阻滯之患雍正二年

特命戶部侍郎趙殿最等會看料理奏准添設通判一員駐劄張灣專司疏濬并設把總二員外委四員聽通判調遣遇有淺阻報明通判在坐糧廳

衙門領取錢糧督率挑挖仍協同沿河兵弁催
備空重漕船如通判有防範疎忽并剋扣失察
等弊卽行叅革治罪把總外委怠惰偷安報部
斥革

一通州至天津沿河州縣各分汛地每年額解
挑淺銀兩向係通惠河分司經收專司挑挖康
熙三十九年題准將通惠河分司裁革各州縣
所解挑淺一項節省解部將通永道稅務歸併
坐糧廳徵收所得盈餘以充挑河挖淺及修築

堤岸之用雍正三年以坐糧廳滿漢二員經管糧務不能親歷河干督率挖淺題准將各汛之淺令各汛官弁督率人役開挖其造辦器具委用人役開銷錢糧仍令坐糧廳經管以專責成一北河流沙通塞無定雍正元年題准多差人役晝夜巡查雇募附近長夫逐日探量水勢多插柳標隨時刨挖雍正三年題准漕船運近北河之時坐糧廳預爲轉行各汛官弁先期疏濬若漕船接續而來卽於前船旣過後船方來立

加疏導如坐糧廳所用人役不聽各汛應用立
卽申報倉場究處倘各汛官弁夥同人役虛冒
錢糧及督率不力致稽漕運者倉場題叅

一雍正四年奉

旨山東疏濬泉源一件何國宗等議設管泉通判一員
甚是著照准行欽此

一京口一帶運河爲南北要津向係丹徒丹陽
兩邑民夫挑濬淤淺雍正二年欽奉

諭旨以江浙二省共濟之漕河偏累兩邑民力難支

特命河漕督撫諸臣會勘題定每歲撈淺所需費銀歸杭嘉湖蘇松常鎮太八府州屬按照漕額均勻派解於秋深之日委員撈溶浙江省應解協濟銀兩雍正六年題准動支藩庫徵收錢糧餘耗銀兩每年協濟銀二千一百八十兩其每年需用若干並盈餘若干令江南總督移知浙省扣存減解

一南北運河總河嚴飭鎮道等官以時疏濬每年於水落之時沿途查看遇有石塊木椿阻礙

河中者卽行起除以清河道如查看不實起除不淨以致抵觸漕船總漕並巡漕御史將該管

河道等官題叅交部議處

雍正十年

一山東運河向例於每年十月十五日築壩挑濬次年二月初一日開壩濟運乾隆二年奏准於每年十一月初一日築壩其開壩日期以南漕船隻頂臺莊爲準如有逾期不築及糧船未至臺莊先行開壩該督撫將該管各官查叅議處

一向例漕船載米不得過四百石入水不得過
六捺原未定有一定水則尺寸相沿辦理遂以
三尺五寸爲度嗣因江廣糧船題定裝米一千
石船身負重入水非四尺難以濟通乾隆二年
經總漕奏請將閘河水勢定以四尺爲準續因
閘河水無來源天時晴雨不常難拘一定尺寸
奏准分別雨水多寡因時變通如雨水調勻山
泉旺發之年河員經理不善致有走洩水勢頂
阻糧艘者將經管各員查叅如遇雨少水小之

年人力難施該旗丁即將所帶貨物起撥如押
運官弁一任旗丁不行起貨藉稱水勢不足挾
制停泊亦卽查叅

一巡查山東漕運御史

欽點之後卽行起程到濟寧與總河勘視大小挑工程
如有監挑廳汛各員不上緊督率兵夫實力挑
挖或瀕河州縣剋短工價卽會同河撫諸臣指
名題叅

乾隆
二年

一裏河堤岸河道向係坐糧廳經管修濬乾隆

二年奏准添設主簿一員吏目一員專司修挖
嗣因主簿吏目微員恐致疎虞隄漕奏明奉

旨裁汰仍責坐糧廳經管

一通州至楊村沙嘴尖突之處朱家河底礮石
龍王廟河底瓦礫乾隆二年奏准於霜降水涸
之時責令坐糧廳確估挑濬乾隆三年倉場因
挑砌處所隨挑隨淤於工無益奏准停止

一中河通道水無來源惟賴諸湖之水灌入以
濟漕運緣歷久從未挑濬河身既高河流微弱

乾隆七年遵

旨奏准逐段測量與挑一律深通不致阻滯漕船

一北河河道徹底全沙沙隨水走水逐沙行舊

設划船改爲刮板額設濬夫四百八十名不敷

應用如遇疏濬緊急臨時雇夫協濟

乾隆十五年

一乾隆二十三年欽奉

諭旨駱馬湖之水由六塘河下洩而東流入海若使湖面早爲騰空則汎水之來有所容納盈科後進而六塘兩岸斷不致潰決四出其瀕湖一帶運道民生亦

咸奏安瀾之慶此後每歲大汛之前應行開放時著該總河該督先期奏聞以免因循觀望并勒石湖濱俾後之司河務者永遠遵守欽此

一山東省運河原係引諸泉之水以濟漕運凡有泉眼可開者令管泉各官隨時相度形勢督夫開挖至每歲二三月間春夏生水之時有地方佐雜各員令其專司泉務凡疏濬泉源栽培蔭泉樹木俱責成該員等實力辦理地方公務免其差遺疏濬事竣仍令分司委辦如有因循

金匱要略卷之四
卷四
怠惰泉務廢弛卽行叅劾議處

乾隆二十四年

一乾隆二十四年欽奉

上諭據佟琳張師載奏微山湖口閘前因漕臣楊錫紱
劄稱江南運河水勢充足東省宜預爲撙節遂將湖
口閘先下底板四塊并將張河等處減水單閘照舊
堵閉今於二月間復接楊錫紱劄稱運河水勢尙須
接濟仍將湖口閘并減水各單閘仍前開放暢流等
語所辦甚協事理此由楊錫紱留心預爲調濟隨時
咨商東省河臣相機啟閉使漕運流通轉輸若地方

大吏遇事皆能如此不分畛域於公務何患不濟著
將此旨并佟琳等奏摺傳諭楊錫紱存記入於交代
卽定爲章程俾永遠遵守欽此

一乾隆二十四年總漕楊錫紱奏准分委河員
將山東舊有諸泉逐一查勘去其壅蔽導之流
行舊有而今竭者除之舊無而今有者增之每
年於二三月間令管泉之員實力疏濬出而濟
運

一運河決口久不堵塞以致糧艘經過漂沒多

船者總漕不行題報照回空船隻不行力催又不題叅地方例降二級留任

一衛莊之湖口閘乾隆十七年議定閘口之水以深一丈爲度一丈以內開壩挑河一丈以外民田有礙毋庸堵閉仍聽洩放將應挑淤淺改爲撈濬乾隆二十五年河東總河復酌議嗣後微山湖口滾壩應恪遵從前奏明落低尺寸以湖水一丈爲定卽欲多蓄濟運或以一丈一尺爲度如遇挑河之年查明湖水在一丈一尺以

內者照例煞壩收蓄湖水倘有一丈一尺以外
之水毋庸煞壩亦毋庸堵閉或江南春月仍有
淺澀仍將湖堤引渠開放使湖水三路入運以
資接濟

一桃源縣小關以上至陸家墩及彭河口至徐
家莊一帶運河向有間段砂礪并逼近閘湖各
口每年汎水漲發沖出浮沙多有停積乾隆二
十五年奏准總河預飭淮徐道勘估俟空船過
竣之後派員興工勒限挑濬

一運河糧艘如並未遇風因河底石塊舊橋及柳根等項觸漏令該管地方州縣防汛武弁會同探驗雖實以觸漏具報免其失防處分將專管河務之文武各員查叅照沿河堤岸預先不行修築以致運時漕船阻滯例降一級調用並將查報不實之員一併叅處

乾隆二十五年

一閘座之越河水大之年糧艘卽可由越河行走若有淺淤狹隘及柳石橋樑礙阻不敢徑行仍不免上閘之難乾隆二十五年奏准將越河

之未盡深通者一律疏浚以利漕運

一南北運河水小之年每遇淺處必須急加挑撈然挑撈均需器具若臨期置備緩不及事乾隆二十五年奏准除東省原有器具毋庸置備外其江南直隸南北運河令各該督等查明淤滯處所飭令管河各該廳汛酌量置備挑撈器具入於交代流傳以備不時應用仍將器具數目造冊報部查覈

一運薊船隻到天津卽由寧河縣之新河口入

海河由海河轉入寶坻縣之小河然後由白龍
港劉家莊等處達薊州之五里橋交卸一路淺
涘地方官雖例應挑濬而責成不專以致交糧
遲悞乾隆二十六年奏請行令直督將寧河縣
之新河口每年於開凍之後卽責令該縣預爲
挑濬一律深通毋致臨時貽悞至劉家莊五里
橋流沙易淤難以預期挑挖令直督責成薊州
知州專管將淺阻處所竭力疏濬并令會同倉
場侍郎一體查察倘有水而船不前進以及有

淺而疏濬不力者卽將領運員弁并經挑各官
分別叅處等因奉

上諭直隸總督事務繁多所有薊運河挑淺工程著就
近令倉場侍郎專管每歲督率通永道隨時相度實
力疏濬以利漕運餘依議欽此

一山東臺莊八閘自乾隆十七年定議湖口之
水以一丈爲度一丈以內煞壩興挑一丈以外
毋庸煞壩將挑濬改爲撈濬致泥沙年年淤積
乾隆二十七年總漕楊錫紱奏請煞壩興挑奉

上諭著交張師載阿爾泰卽行詳細查明如有必須疏濬段落該處現有應動歲修銀可卽酌量動支辦理一面具摺奏聞欽此

一乾隆二十八年山東巡撫崔應階奏准令江南督撫轉飭卽河各官將自于家口至茶城及小梁山內化山三處支河一律勘估挑濬使之直達荆山橋其荆山橋上下河道及出口入運之處凡間段淤淺河身普加挑濬使湖水得以暢流

一楊村以上至通州河流彎曲最易淤阻坐糧
廳向設刮板四十副重運到時設有淺阻立用
刮板開通每副需夫二十五名俱係臨時雇募
乾隆二年奏准裁去十副議設刮板三十副每
副設夫頭一名令其隨時雇夫挑挖淤淺按時
定價給發夫頭每名日給工食銀八分乾隆二
十三年以北運河六汛每汛向設刮板五副額
有淺夫八十名祇敷刮板三副之用其餘二副
竟同虛設奏准將楊村一汛近海通潮淤淺無

多減去刮板二副酌畱三副其餘五汛各設五副每副用淺夫二十名除將楊村所餘淺夫二十名撥入五汛再添八十名每名每月給工食銀一兩二錢在於紅撥項下支給交通永道率同漕運通判管轄遇有淤淺過多木汛不敷應用卽將上下汛通融調撥如有冒名缺額臨時雇募等弊將該管各官查叅嗣因淺夫多於糧船阻礙之時始用力刮挖往往前船經過後船復停乾隆三十年奏准嗣後令通永道不時赴

工親行逐名查點督率廳汛員弁嚴督淺夫探
量水勢遇有淤淺立即上緊刮挖深通以免舟
行阻滯

一京口設立風旗向隸水師營副將委員管理
毋庸另委衛備幫弁兼管以專責成

乾隆三十一年

一濱江護崖亂石凡有坍入江中有礙漕運者
令江南河道總督每年於冬月水涸之時飭委
該管河員督令河兵預將坍入江內之石塊搬
移清理以利通行倘該管河員並不實心經理

以致糧艘損壞卽將管河各員照例嚴叅議處
乾隆三十一年

一微山湖下游雖有荆山橋伊家河八閘正河
三路分洩寔總歸於江南運河下注不惟上游
之水消減甚遲而江南一線運河亦難容納漫
淹緯路船糧行走亦與山東同一艱難勢須旁
籌分洩不使水勢全行入運兩省緯道方有裨
益查江南銅山縣境內黃河北岸之潘家屯向
挑引河藉黃入湖濟運現在外灘新淤礙難施

工若於此處挑挖開放導清入黃俾湖水旁洩
則多一分入黃自少一分入運緯道庶可無虞
等因乾隆四十七年經河東河道總督奏奉
硃批所辦是欽此

一乾隆四十七年欽奉

上諭前據薩載奏開放顧家莊引渠分洩運中河水暢
達入黃情形一摺朕以該處引渠分洩上游漫口之
水既能得力卽使掣動全河由此歸入舊黃河直注
入海似亦無不可因降旨詢問該處情形是否可以

如此辦理此朕歷念河防設爲或然之想今據薩載覆奏顧家莊所開引河分洩運中河之水入黃實爲得力若一經掣動全河則顧家莊至楊家莊口門此七十里通道卽不能通行舟楫必須經由黃河七十里始行入運等語此等情節朕實未知薩載熟悉彼處情形據實入告所辦甚是自應照所議行欽此

一東省八閘河道與邳宿河道均係砂礮厯年增長而各山泉發水噴砂每年亦有停積且八閘地勢較江境原屬高仰應與江境運中河一

律挑平方不致有彼高此下之虞至大泛口等處山水屢發停淤更厚重運經過時竭力設法償行并上緊撈挖至重船全過後爲時已遲秋水歸槽仍形淺阻乾隆四十九年總漕毓奇等遵

旨勘估將淤淺段落逐段開明再行加撈於德勝莊二灣乾溝三處趕築束水草壩以資擎束并於中法及東西兩邊沿河探量統計韓莊上下及八閘水勢自二尺五六寸至六七八尺不等所有

東省河道估挑深處必須與江省一體以水深
七尺爲度至八閘旣已挑深韓莊至彭口一帶
亦有難以關攔之勢現在該處水勢稍深應以
水深六尺爲度估挑以期一律平順實估挑河
長一萬八千四百七十五丈內韓莊以下八閘
工長一萬一千四百八十五丈挑口寬六丈底
寬四丈深一尺至四五尺不等韓莊以上至彭
口閘下工長六千九百九十丈挑口寬五六丈
底寬三四丈深二三四尺不等又八閘大泛口

挑口寬七丈底寬五丈深八尺又大泛口內山
河長一百丈挑口寬十丈底寬六丈深五尺至
各工內水面灣曲處所及各閘上下均有旱灘
應照現在估挑尺寸一律估挑至東省閘河之
水尙須宣濟下游俟回空尾幫全出江境楊家
莊渡黃後即將湖口閘壩及各處攔水壩次第
趲築

一東省八閘及韓家莊上下工程原估挑工長
一萬八千四百餘丈計分十六段乾隆四十九

年總漕毓奇覆加查勘上下形勢尙有須順勢
增挑一二十丈者亦有尙可減去丈尺毋庸挑
砌者通盤覈計增減土方銀數較原估亦屬相
符按工計日尙可趕赴期限不悞南糧幫船入
東之期尙有遲悞偷減草率諸弊將承辦之員
查明嚴叅外并將總辦分催之員一併叅處

一乾隆四十六七年間豫省曲家樓黃水下注
由東省曹單一帶直至南陽湖西岸是時諸湖
並漲一經清水頂阻勢卽散漫停淤所有舊時

之支幹各河半多淤墊乾隆四十九年總漕毓奇等查勘東省諸河除荷澤濮州定陶等處俱屬通順其在曹縣單縣內者現有新沖河身與舊河間段通連卽可由此達彼作爲幹河至趙王河頭北流入運一股並無停蓄之區其中段在鄆城分支之處久已淤墊且地勢甚高遇水大之年與民田無礙毋庸估辦其由武城至鉅野之萬福河金鄉之柳林河新挑河魚臺之新開河舊運河河身盡淤而濟寧嘉祥地方漫水

倒漾趙王河之尾段與牛頭澹臺等河亦多淤
墊全估計挑挖口寬三四五丈底寬二三四丈
深三四尺不等其舊運河馬公橋一帶爲諸河
合流匯入南陽湖之處估挑口寬二十丈馬公
橋以下卽昭陽湖西岸舊有馬連河引舊運河
迤南之水歸湖其路稍紆今於馬公橋下添斜
挑新河一道長六百丈口底三十丈至十二丈
不等使河水徑捷入湖仍酌疏馬連舊河以備
多路分消又南陽湖以北舊有橫壩一道加築

高寬攔蓄湖水使之盡達下游不致倒漾淹及
民田至曹縣之順城河武城之冉家河單縣之
涑河嘉河鉅野之蔡河金鄉之金山河濟寧之
顧兒河均屬支流其中稍有積淤應與各處之
岔河小溝及上游新沖河身內間有未平之處
俱令該管州縣勸用民力自行疏導

欽定戶部漕運全書卷四十五目錄

漕運河道

挑濬事例

挑濬事例

一東省各湖蓄水最關緊要乾隆五十年

年總漕

毓奇等查奏微山湖面寬闊湖心尙深且與南陽昭陽西湖均在運河西岸從前黃水下注已經澄清並未受淤其上游坡地進水之路已於水利河渠案內估辦至獨山湖坐落運河東岸猶未受淤而蜀山馬踏馬場南旺等湖更在濟寧以北並非黃水經山之地但各處湖身高窪不一伏秋水發洩泗各河不無挾帶泥沙而坡

地雨水下注亦有淤積是以每年汛期過後卽將各湖之進水出水引渠確估挑濬茲復加察勘馬場湖地勢本窪所收泗水由安居十里等處斗門宣放濟運並不缺乏南旺湖在運河兩岸迤東正對分水口遇汶水盛漲時南北宣洩不及卽啟各斗門掣水入湖現在湖身甚寬僅資容納至蜀山湖在汶河之東南定誌收水一丈一尺汶水長發先由臨汶之永定永安永泰三閘收入外灘俟澄清後再啟臨湖之斗門放

清入湖由臨運之金線利運二閘宣濟運行又
馬踏湖在汶河之西北定誌收水六尺餘寸由
臨汶之徐建李家二口收蓄出新河頭宏仁橋
二閘濟運現在該二湖普面皆水甚爲充裕卽
秋冬水涸各湖亦必有底水存貯湖中從未做
過撈挑之工而湖身寬廣均有百餘里及數十
里不等其挑出之土不能遠送徒費錢糧查湖
邊以及各引渠兩旁間斷露有旱灘之處俟伏
秋過後隨時查勘實力疏濬濟寧以北各湖四

面皆有堤堰其各處圈埝飭交地方官勸用民
力培修高厚庶於收蓄湖水更爲有益

一江南邳州宿遷桃源一帶運中河年久淤淺
乾隆五十年經江南河道總督李奉翰兩江總
督薩載遵

旨查勘運中河自黃林莊山東交界起下至楊家莊運
口止間段應挑工長三萬八千九百五十餘丈
原估口寬八丈底寬六丈挑深二尺四五寸至
三四五尺不等委員分段承挑一律完竣將上

下攔水草土壩工卽行啟除使原估毋庸挑挖
俟韓莊上下及八閘淺工驗收完竣卽行開壩
放水俾上下運河鋪平水面以便重運漕船渡
黃北上

一乾隆五十三年漕運總督毓奇奏准全漕過
津起撥統計旗丁應出撥價錢數甚多而應得
紅撥一項不過二千餘兩不抵十分之一查楊
村至通州北河一帶停沙橫淺之處甚多重運
漕船於起六存四之外又須多撥方克輓行旗

丁未免滋累請於北河原設六汛之外添設二汛加募淺夫二百名添備刮板十副卽以此項紅撥銀兩添備北河刮淺之用嗣又據倉場奏明通州上下二汛中間一帶河面寬闊每遇春夏水弱及秋間水落後淤淺散漫空重糧船每於此處阻滯今於該二汛交界處所安設一汛作爲通州中汛添設汛弁一員刮板五副淺夫一百名又南北蔡村等處河道一段每遇水落多露橫沙今於蔡村地方安設一汛添設汛弁

一員刮板五副淺夫一百名於附近河標內調撥把總一員外委一員分派各管各汛以專責成汛弁俸薪養廉錢糧以及置造刮板等項照六汛之例一例支給新添淺夫例得工食按日覈給

一山東運河定例一年小挑一年大挑小挑准銷銀二千八百餘兩大挑准銷銀一萬七千二百餘兩乾隆五十三年經巡漕御史和琳奏請於原定銀內酌減銀四千餘兩欽奉

諭旨嗣後東省運河不必復拘大小挑之例責成河東總河山東巡撫巡漕御史於每年回空將次過竣時確加履勘據實奏聞認真辦理或督撫意存瞻徇任令從中浮估偷減或因循玩悞於應挑之工不卽奏明挑濬巡漕御史知而不舉隨同隱飾致悞漕運或任冒銷一經查出一併從嚴議處欽此

一直隸運河淤淺甚多乾隆五十三年經巡漕御史和琳奏請勘辦欽奉

諭旨卽於漕船回空後一律挑挖深通若地方官漫不

經心草率從事明歲重運經由直境再有耽延則惟
劉裁是問欽此

一乾隆五十三年漕運總督毓奇奏准豫東兩
省漕船吃水本輕今因衛河淺阻起空過淺頗
費周章若南糧吃水較重輓入衛河更必膠滯
難行請飛飭沿河地方官趕緊多備撥船并令
運河廳密築草壩挨牌攔蓄一面暢放汶水拖
注分投並力籌辦至衛河來源之百門泉九道
堰并丹洹各河甫交四月民田插秧尙早應照

舊例將旁渠支流暫開數日俾各水全力下注以濟重運

一河南前後等幫乾隆五十三年起運五十二年分漕糧因衛河淺阻行走遲滯乾隆五十四年欽奉

諭旨畢沅交部議處劉義交部察議押運遲悞暨不實力催攢之地方官分別叅處等因欽此

一乾隆五十四年因江西幫船行走遲延經倉場侍郎蘇凌阿等奏准江西贛水十八灘之下

游直接鄱陽湖巨津來源本旺卽遇天旱水小
而河身中溜亦屬深通無虞淺阻惟是漕船行
走錯悞或有淺擱嗣後該省糧船開行時該撫
臣及糧道應委妥員帶領兵役於河溜兩旁分
投插柳標記深淺船隻經由倘有走出標外以
致淺擱者立時究處

一平山前幫旗丁甯學朱漕船被河底斷桅撞
漏沉溺具報復因文員請改寫舊樁字樣該弁
隨卽改寫並不隨時更報以致先後不符實屬

疎忽將千總齊廷翼照不應輕笞四十律公罪

罰俸六個月例罰俸六個月

乾隆五十五年

一乾隆五十五年倉場侍郎蘇凌阿會同工部

尚書金簡等奏准通惠河挑濬完竣起出淤土

運遠堆積有堤之處卽以挖河之土培擁堤工

後身東便門等處攔蓄各土壩次第開放水勢

充足從前多加之板全行撤去以復舊制至朝

陽門外護城河應挑七百餘丈該處添砌石泊

岸馬頭又溫榆河分爲三段挑濬石壩後前起

至工部稅局止係各省每年撥船起卸之所最
為緊要今創挖淤灘九十五丈外用杉木排椿
防風板添做泊岸河面開寬七丈至十五丈落
深入九尺不等單船面可抵壩於起運漕糧更
為便捷

一乾隆五十六年工部題准通惠溫榆二河挑
挖淤河并修理閘壩泊岸用過工料銀兩與例
相符應准開銷至挑挖朝陽門大通橋護城河
係借動官項辦理應於各車戶腳價內分八年

欽定四庫全書
卷一百一十五
扣還歸款

一乾隆五十九年東省開內五幫漕船據河南
巡撫畢沅奏明輓出臨清開口停泊其運河挑
淺工程現同李奉翰羅煥閱看妥辦欽奉

恩旨李奉翰羅煥均著交部議敘欽此

一乾隆六十年欽奉

諭旨鎮江爲重漕門戶江浙漕船皆由此出口著奇豐
額督飭常鎮道查淳設法挑浚迅速妥辦俾南來重
運遄行無滯隨到隨渡依限北上管幹貞係該省總

漕漕船是其專責亦著前往督同一體辦理欽此

一通州溫榆河爲石壩樓前起卸糧石空重鱗集之所每歲於糧竣後九十月間漕運通判親赴河干按次查勘淤塞處所卽行估報於年前興工挑挖完竣以備次年新漕到通運行無阻如不照例及早查辦臨工規避將該通判叅奏

嘉慶四年

一溫榆河挑挖淤塞每年原定銀二千兩嘉慶四年欽奉

諭旨現在溫榆河歲修不敷著交胡季堂籌商添用以資疏濬欽此嗣據直隸總督奏明如遇淤積無多之年動用銀數百兩或千餘兩已敷挑挖倘淤塞過甚挑辦維艱應於原定二千兩之外酌增銀兩總以積淤之厚薄定修費之多寡每歲九十月間責成通永道率同漕運通判逐段勘估由倉場侍郎就近覆勘動工所需銀兩即在通永道庫木稅及丁字沽稅銀內動撥

嘉慶五年

一漕船抵通由潮白河駛入溫榆河直抵石壩

樓前起卸計河長一千餘丈南藉潮白河之水
倒漾北藉臥虎橋之水南流雨水頂阻積淤最
易每年挑挖例准動用水稅項下銀二千餘兩
至三千一百兩不等錢糧少而河道長僅能自
石壩樓起至溫榆河中間之工部稅局止其自
工部稅局迤南尙有五百四十餘丈不能挑挖
日漸淤淺嘉慶八年奏准動支木稅項下銀兩
一律挑濬九年仍復淤淺係承辦之員賠修十
年漕竣之後又有淤墊復由倉場侍郎勘估奏

明挑挖

一直隸故城縣古淺處所經該處文武員弁挑挖通暢辦理妥速俾全漕輓運過境欽奉

上諭將在事出力人員交部分別議敘因公降調把總

准其開復留於該處補用

嘉慶九年

一通州溫榆河自工部稅局至流水溝一帶舊挑淤處嘉慶十一年又復淤淺統計打壩厚水等工約估銀二千五百六十四兩零其自流水溝以下新淤約有二百餘丈工段綿長錢糧浩

大暫且毋庸議挑奏准就近在流水溝席廠東岸灘嘴上斜挑引河一道計長五十丈引入潮白河水灌注通流自能將撥運糧艘浮送抵壩而幫船並可直到河口起撥尤便地近工省約估銀五百九兩零共銀三千七十四兩零於通承道木稅項下支給報銷

一溫榆河故道由果渠村東遶富河村又折而西灣環達石壩前南注與潮白河合流歸入北運河乾隆三十八年潮白河西徙直亡溫榆河

身富河村之南二水合而爲一遂不經由石壩
嘉慶十一年挑挖新河秋後又露淤塞十二年
直隸總督倉場侍郎等會議若在潮白溫榆合
流之下游挑挖不過引灌倒漾之水勢緩力弱
惟有開溫榆河上游可以復抵壩舊規隨逐段
查勘自西浮橋至馬家庄地方尙有溫榆河舊
形再爲溯尋上游至果渠村地方水勢甚旺請
由果渠村開河一道將東趨富河村建築草壩
並加上截俾溫榆河水自單行下注而達石壩

統計開新挖舊約計工價銀五萬六千餘兩於
部庫內請撥如此則清水仍行故道上游水勢
勁利淤沙無自停留石壩前亦無從淤塞軍撥
船隻俱可復抵壩舊規

一張家灣爲漕運首要之工正河淤墊經直隸
總督奏准挑復并將康家溝河口建築攔水草
壩加添裹戩接築土埝堵截沙河之流共估銀
一萬九千八百七十餘兩在於部庫銀內撥給

嘉慶十

二年

一溫榆河測量地勢高下情形並估挑石壩以

下工程直隸總督奏准自石壩流水溝一帶頻

年淤塞量加挑展俾資暢注估需土方工料銀

一萬二千餘兩於部庫內如數撥給

嘉慶十二年

一嘉慶十三年六月大雨連綿通惠河北岸王

相公莊老冰窖二處岸口漫溢汕刷奏准趕緊

堵合修築並添排椿板所需銀兩在於通濟庫

稅課項下報銷

一王相公莊新工岸口並土壩卸米馬頭慶豐

閘滾水壩雁翅處所漫刷冲坍通惠河兩岸排
樁板工撲閃奏明動用通濟庫稅課銀兩晝夜
修築俟工竣覈明應賠應銷奏咨辦理嗣據奏
明王相公莊前次漫工并復行修理約在三千
兩內外例應銷六賠四又土壩卸米馬頭修理
堅實並將河內淤灘挑挖約在千兩以內於稅
課項下動支又慶豐閘滾水壩雁翅處所及兩
岸撲閃等處係歲修應賠補之工不准開銷
嘉
十三年

一 張家灣正河淺阻康家溝水勢通暢直隸總督奏准空重幫船由康家溝行走倉場侍郎等奏准康家溝上游流水溝一帶如遇淺阻隨時多集人夫迅速挑挖籌款支給

嘉慶十三年

一 嘉慶十三年倉場侍郎預籌疏濬外河挑淤各工共用銀三千一百八十五兩零在於通永道庫內動支其石壩迤南每歲挑淤約費銀三千兩內外本年因下游疏濬得力河流通暢所有向例歲修之費全行節省

一嘉慶十四年奉

上諭前因薩彬圖叅奏道員張鼎於邳宿運河淤淺處所不行估挑又於運河通判王貽象稟請壩工需銀三千七百餘兩該道祇發銀二千兩以致臨時趕辦幫船節節守候撥船復不廣爲籌備當將道員張鼎交部議處並降旨詢問吳璥令其迅卽回奏嗣吏部奏將該道議以降三級調用經朕交軍機大臣存記俟吳璥等奏到之日再行覈辦茲據吳璥等查明具奏正月內道員張鼎覆勘淤口一帶浮沙停積應酌

做束水壩七處估請先發銀三千兩辦理其時吳璥甫經到任嚴覈經費先批發銀二千兩在吳璥實爲慎重錢糧起見並非該道有意短發迨二月內東省鋪水下注後該廳王貽象稟稱沙淺處尚需添築小壩請酌發銀兩吳璥復給銀二千兩以資辦公之用是所發銀數兩次計共四千兩張鼎並無短發誤公情事薩彬圖所叅未免冒昧所有張鼎降級之處著毋庸議現在河口已共渡過重船一千二百九十隻較上年此時計多過船三百七十隻其邳宿運河淺

踴處所早經築壩刷滌稍深又多集撥船以資運送
著責成漕督薩彬圖督飭催僱毋任逗畱並於沿途
畱心查察勿任旗丁等攙和舞弊致米色不純霉變
干咎欽此

一果渠村新建壩工間有平糶如遇伏秋大汛
溫榆河水勢盛漲難以抵禦嘉慶十四年奏准
乘春融之際將壩堰加倍修築於伏秋大汛前
完竣其駐工汛弁兵夫建蓋汛房以資棲止共
估工料銀三千六百九十兩零於通永道木稅

項下動支

一嘉慶十四年六月通會河水勢驟長至一丈有餘王相公莊及普濟等閘汕刷數處重運難以輓運奏奉

上諭著溫承惠遴派明幹大員限七八日內上緊堵合俾糧石得以源源轉運不可稍涉遲緩欽此

一嘉慶十四年奉

上諭據溫承惠奏康家溝溜勢奔騰漕船逆流而上大費牽輓是康家溝必須堵築正河必須修復此事關

係漕務甚重著派戴均元查勘詳細斟酌妥議具奏
欽此嗣據倉場侍郎戴均元查奏張家灣爲潮
白河下游灣環曲折迤東溫家莊地方本有旱
河溝一道名康家溝自嘉慶六年大水冲刷深
寬通舟正河仍並行無阻迨至分流日久正河
淤塞十二年奏請挑復於十三年始能堵合旋
因漲水陡發將康家溝新築壩工全行坍塌走
失無存另由康家溝迤東平地沖出河身一道
奪溜而行卽現運空重來往之路自上年漫水

淘刷之後康家溝河勢已成而張家灣舊道淤

塞梗斷

臣

測量張家灣連年淤積必大加挑挖

俾得深通茲牽估挑工銀十五萬六千六百兩

康家溝壩基約工料銀八萬九千兩惟防守非

易終恐虛擲至衆論多以挑復爲便者蓋以張

家灣三十里停淤蓄水康家溝僅六里形勢直

瀉查此數里之內現有灣環四處仍屬曲折並

非竟係直河本年漕船仍在康家溝行走再爲

察看一年請

旨定奪欽奉

上諭允准

一大通橋至通州石壩土壩一帶河道來源係由昆明湖分流東注從護城河灌入通會河以濟行運爲糧石銅鉛轉運要路從前原係十年興挑一次自乾隆五十四年挑濬之後至嘉慶十四年已越二十年河底日高堤岸愈形卑薄奏明挑土修補閘座估需工料銀三萬一千九百餘兩在於通濟庫支用又此項挑工必須堵

截來源方可興工照上屆於西直門角樓等處
築壩六道按例估計銀一千一百餘兩在於
圓明園銀庫平餘項下動支又岸堤卑薄處所加
高培厚除應行賠修外按例估需銀五千五百
餘兩歸通永道同歲修各工一手經理俟春融
勒限三月間蒞事此外尚有朝陽門至大通橋
一帶護城河現亦淤淺應需挑費銀一千九百
餘兩照例在於橋壩辦公項下動支又挑河出
土標記地面總在二百丈以外運遠腳價按例

需銀一萬五千四百餘兩又屏水人夫繩席水
斗等項需銀六千四百餘兩一併歸入挑河案
內工竣造報覈銷

一溫榆河上游果渠村一帶堤壩各工於漕運
最關緊要該處地當山水之衝工程新建必須
隨時相機修治以期永資捍禦嘉慶十五年奏
准購備防險料物估需銀三千一百九十兩零
在於通永道庫丁字沽稅銀項下動支

一慶豐閘地居上游因啟板太多淺阻漕運奏

准將開官劉德城革職枷示河干通流閘閘官
吳增因上游啟板亦跟接全行開放撤水阻淺
緣該員甫經到任奏明摘去頂帶仍留該閘以

觀後効

嘉慶十五年

一通會河北岸王相公莊草壩前邊埽一段因
大雨盛漲平壑入水甚爲險要奏准加鑲估需
工料銀五百三十二兩零工竣造報覈銷

嘉慶十五年

年

一東省運河並無來源全賴運道迤東各泉源

匯歸汶泗諸水入河濟運嘉慶十五年濟寧巡
漕給事中吳邦慶奏明檄飭各有泉州縣督令
管泉夫役認真疏濬再親往各處查驗各州縣
之泉有多至七八十處者有僅祇二三處者其
一縣之泉各以旺弱分上中下名目並於鄒滕
兩縣各查得新泉一處清流挹注散溢四旁皆
可抵該縣之中泉卽飭該縣撥派泉夫疏濬並
造入泉冊以備每年查勘各管泉州縣佐貳等
官於該境內親身尋看如有未行疏濬之新泉

立即稟報以便挑挖渠池彙歸濟運再諸泉自上游等處皆交匯成渠如沙河匯河薛河會河大小汶河縱橫貫注如數州縣境內地處通衢者例應於秋冬之際以木植搭建浮橋旣便行旅亦不阻礙各泉入河之路如有亂石堵截樹枝草節支撐爲行人踐踏下不通流者立即拆通俾水流暢達下注責成山東巡撫每年屆八九月間飭知各州縣於大小汶河及支流之經過界內者豫行搭蓋浮橋不許築壩以通人行

致使水勢阻塞並派就近道府詳查一次如有
違玩立即摺參

一嘉慶十八年五月奉

上諭倉場侍郎榮麟等奏北運河水淺情形一摺據稱
南糧首幫行抵楊村因河水消落起米七成方能前
進該侍郎等隨馳赴河西務張家灣一帶上下游察
看恐節節淺阻請將大船米石全行起撥卽由楊村
回空等語向來軍船卽遇水淺之年亦不過起六存
四今南糧首幫起七存三計大船存米無幾而河西

務及張家灣一帶水勢尙慮淺阻不得不盡數起撥除已飭令由楊村起撥回空外所有北運河之淺涇各處著溫承惠卽速飭令天津通永二道率領委員多募人夫隨處刮挖責成該二道設法經理務期水勢停蓄不再消耗俾幫船不致積壓停阻等因欽此

一嘉慶十九年五月初一日倉場奏南糧抵關過遲北運河多有淤塞請趕緊疏濬奉

上諭榮麟等奏北運河等處淤淺情形一摺其橫淺至數十段之多重運漕船四月二十一日已輓入直境

抵壩限期甚迫著那彥成迅速飭知通永道剋期疏濬務令一律通暢以利漕行毋得稍有延誤欽此嗣因康家溝以下未能剋期挑濬復經倉場將玩誤漕運之通永道奏請交部議處六月二十三

日奉

上諭北運河淤淺處所前經該侍郎等奏明飭交該道疏濬乃並未測量挑挖以致重運糧船節節淺阻實屬玩誤現在漕艘啣尾而來勢難刻緩著派內閣學士穆彰阿光祿寺少卿吳邦慶前往督率張五緯將

北運河所有橫淺處所逐一挑挖務於半月內一律
深通俾糧船過行無阻所有挑挖夫工之費俱責令
該道賠出不准開銷如辦理妥速從寬免其議處儻
有延誤必當從重治罪穆彰阿等奉旨卽日前往不
必來園請訓欽此

一嘉慶十九年倉場奏通州東南門外護城河
道爲轉運西中二倉白糧要路查勘該處河底
淤墊東西長二百三十三丈寬三丈四尺卽宜
挑挖一律深通五月初一日奉

上諭通州護城河間有淤塞署榮麟等卽多集人夫起
緊挑挖所需土方工價由通濟庫照例給發等因欽
此

一嘉慶二十四年四月倉場奏准通州護城河
道自東門榆樹灣起至新城南門馬頭止淤墊
較多請動項興挑計挑土三千七百七十八方
需例價銀六百八十兩四分所需土方工價在
於通濟庫稅課項下照例給發

一道光三年倉場具奏通會河應行挑修各工

邦子井及各馬頭等處淤淺十一段計長七百
丈又減水閘等處堤工十一段殘缺卑矮計長
五百丈又平下閘萬年枋業已剝朽必須更換
又葫蘆頭滾水壩東西及普濟閘上新滾水壩
東西又平上閘滾水壩西排椿五處計長五十
九丈均經確估請項另案辦理十二月二十日
奉

旨博啟圖等奏通會河應行挑挖等語通會河係漕
糧銅鉛經由要路該侍郎等查明受淤過甚堤椿

卑壤應須挑挖賠修請於常例歲修之外另案辦理共估需工料土方例價銀三千八百七十六兩零著照所請卽責成通永道督率漕運通判認真妥辦該侍郎等仍親往嚴查務須工歸實用以利運行所需銀兩准其於坐糧廳通濟庫支銷該部知道欽此

一道光四年倉場奏通會河爲運漕要路每屆十年奏挑一次開壩各工遇有損壞在保固限外亦隨時奏辦自嘉慶十四年挑修已歷十數

年之久河身淤積日高堤岸益形卑矮周歷勘
估共計二十五段挑淤工長一千五百二十丈
所有南北兩岸堤工應行培築者共計十六段
工長八百五十五丈又北門外減水閘一座沖
刷損壞又葫蘆頭滾水壩一座平下閘滾水壩
一座金牆閃裂又普濟閘分水雁翅一段牆石
坍卸均應修復完整分別估計請項挑修十一
月初八日奉

旨通會河爲漕運要道自嘉慶十四年挑修以來歷

十數年之久河身淤高隄岸卑薄漲發卽恐衝漫
水弱復虞淺滯其兩岸開壩年久損壞殘缺者亦
多均應擇要興工俾資宣洩經博啟圖等逐一履
勘將亟須挑修各工分別確估通計挑淤築隄修
理開壩共需工料銀二萬四千三百八十五兩零
著准於通濟庫動支飭令購齊物料先將石工地
基豫爲妥辦一俟春融冰泮卽趕緊興築並將淤
淺工段一律挑挖深通責令通永河道督率承辦
之員妥速認真辦理務於重運抵通以前普律完

竣等因欽此

一道光二十六年欽奉

上諭楊殿邦奏運河淤淺請飭及時挑挖等語所見甚是山東隔河漕運攸關必須一律深通方可無誤漕行茲據該署漕督奏稱十字河一帶北自西灣南抵彭口節節露淺並有泥沙丈餘正當河心又自張河聞至朱姬莊東岸土隄所冲沙土停積運河左右軍船不得徑行等語各處泥沙停積如果認真挑挖何至有滯船行總緣督辦承辦之人積習難返不以公

事爲重著再申諭東河總督飭該管道廳趁此冬令水涸之時迅將各處積沙挑挖淨盡所挖之沙毋許就近拋棄庶年來大雨後不至復歸原處有礙舟行工竣後著該河督親往查驗總期一律通暢毋許草率倘來年重運經臨再有停滯難行藉詞水漲沙淤定將該河督等從重懲處不貸欽此

一咸豐元年欽奉

上諭楊文定奏運河兩岸塌卸致礙漕行請將玩誤之府縣分別摘去頂帶革職留任一摺江蘇鎮江府屬

徒陽運河爲江浙糧船經由要道該府縣既經領款承挑未能先事防護相機辦理以致屢次塌卸致礙漕行咎無可辭鎮江府知府豫立著摘去頂帶丹徒縣知縣張元揆著革職留任勒令加緊挑撈無誤漕行倘再玩忽卽著嚴叅餘著照所擬辦理該部知道
欽此

一倉場挑挖溫榆河工程動用銀四千一百餘兩戶部奏令由該侍郎將承辦挑河道廳各員職名查明送部儻河道復淤轉運濡滯卽由戶

部照案將承辦各員嚴叅罰賠以後倉場因公
動用各款除年例支放外其餘無論何項均須
先期奏報方准照辦事竣仍遵例造冊報銷
同治
年五

一通州葫蘆頭滾水壩西門外滾水壩暨普濟
閘滾水壩各一座又葫蘆頭減水閘一座傾圮
損壞倉場侍郎奏明擇要興修招商覈實估計
共需工料實銀二萬九千四百六十三兩零其
淤墊最深處所仍以向領歲修銀兩認真挑挖

至溫榆河自浮橋至小河口一帶由通永道坐糧廳等捐廉籌辦經戶部議准所需經費由部庫漕項款內籌給俟工竣後卽行開明承辦各員銜名出具保固年限切結送部存案嗣據倉場侍郎等奏修築裏河閘壩及捐挑溫榆河工程一律告竣欽奉

上諭英元喬松年奏修築閘壩各工完竣請旨驗收一摺通州修築裏河閘壩暨挑濬溫榆河各工經英元等督飭該道廳等辦理完竣卽著該侍郎等詳細驗

收所有此項工程動用銀兩免其造冊報銷欽此戶
部查該道廳等領款修理開壩因而捐修河工
與無故捐修者不同儻興修未久仍復淤墊卽
將承辦各員據實叅辦並令一律出具保固甘

結送部存查

同治九年